



Tyrocinium Artis Oratoriæ Sacræ Et Profanæ

Moine, Joseph

Solodori, 1714

13. De Amplificatione verborum in specie, & imprimis de ipsius natura,
verbisque ad eam idoneis.
-

[urn:nbn:de:hbz:466:1-68834](https://nbn-resolving.de/urn:nbn:de:hbz:466:1-68834)

CAPUT XIII.

*De Amplificatione verborum in
specie, & imprimis de ipsius natu-
ra, verbisq; ad eam idoneis.*

I. IN quo consistit Amplificatio verborum, quam c. 9. n. 2. definivi ? Resp. Ornatus dilatationis, de quo ibi dicitur, consistit tum in verbis ipsis, secundum se spectatis, tum in Figuris celebrioribus, quæ possunt adhiberi.

In quo con-
sistat amplifica-
tio verbor.

II. Quæ verba dilatationem ornant ? Resp. Itidem fusè hanc rem pertractat Palat. Eloq. Exercit. 4. lect. 5. cuius præcipua capita hic tangam, ne quid desideretur. Itaq; ornant verba 1. Illustria, non tamen ab usu communi abhorrentia, qualia sunt gravitate quadam delecta, translata, superlativa, per congeriem verborum & sententiarum, ferè idem significantium, congesta, rem, de qua sermo est, imitantia. *Illustria* habet Cic. pro Planc. n. 99. *O acerbam mihi memoriam tempo-
ris illius ac loci, cum hic in me incidit, complexus
est, conspersitq; lachrimis, nec loqui praे mærore po-
tuit ! o rem cum auditu crudelem, tum visu nefar-
iam, &c.* Translata pro Mil. n. 63. *Quid o-
disset Clodium Milo, segetem ac materiam gloria
sua ? Superlata. Pro Marcello n. 8. Domuisti
gentes*

Verba ad
eam idonea,

gentes immanitate barbaras, multitudine innumerabiles, locis infinitas, omni copiarum genere abundantes. Per Congeriem. Pro Mil. n 34. Tu P. Clodii cruentum cadaver ejecisti domo; tu in publicum ejecisti; tu spoliatum imaginibus, exequiis, pompis, laudatione, infelicissimis lignis semiustulatum nocturnis canibus dilaniandum reliquisti. Imitantia. Virgil. Quām multa in tectis crepitans salit horrida grando. 2. Epitheta splendida. Pro Lege Man. Quanquam mihi semper frequens conspectus vester multò jacundissimus, hic autem locus ad agendum amplissimus, ad dicendum ornatisimus visus est. Sic etiam: Vir singulari virtute, eximia prudentia, civis optimus, &c. 3. Verba plus significantia, ut: Labes civitatis, pestis Reip. &c. Cic. in Verrem: Non enim furem, sed raptorem; non adulterum, sed expugnatores pudicitiae; non sacrilegum, sed hostem sacrorum religionumq; non siccariū, sed crudelissimum carnificem civium, sicciorūmq; in vestrum Judicium adduximus. 4. Synonymia, seu res eadē pluribus verbis, propè idem significantibus, diversimodè inculcata. Cic. 2. Catil. Catilinam furentem audaciā, scelus anhelantem, pestem patriæ nefariè molientem, vobis atq; huic urbi ferrum flammāmq; miritantem, ex urbe vel ejecimus, vel emisimus, vel ipsum egredientem urbe prosecuti sumus. Abiit, exceſſit, evasit, erupit. Dixi modò: propè idem significantibus; Puerile enim est, penitus idem significantia congerere, v. g. mare, pontus, equor. 5. Verba graviora & consonantiora. Sic gravius est Clementia

mentia, quām *Lenitas*; *latro*, *prædo*, *raptor*, quām *sür*. *Vulnereare*, *ferire*, quām *percutere*, &c. Consonantiora sunt superlativa quām absoluta; plurali, quām singulari numero proiata; Verbalia, quām absoluta, ut *domina*, *dominatrix*; composita quām simplicia; longiora quām brevia. 6. Periphrasis, dicendo pluribus verbis, quod paucis posset effterri. Ut: Peccasti: Dic: Quānā abreptus es audaciā, ut immensam Dei Majestatem, fontem ac largitorem bonorum omnium Deum turpissimis flagitiis ad iracundiam irritare, atq; ad ultionem provocare non dubitaveris? 7. Figuræ illustriores sententiarum, per figuras verborum exultæ, ut per Antitheses, Repetitiones, Conduplicaciones, &c. 8. Periodi, ubi illæ congruunt.

111. In quo consistit dilatatio? Resp. Non *Res verbis* in puerili garrulitate, non in synonymorum *potiores*. inani cumulo, non denique in rei alicujus ultra verum exaggeratione, sed in prudenti & artificiosa partium alicujus totius explicatione. Re ipsa enim *omnis amplificatio* est quædam distributio totius in partes, seu partium primiarum explicatio. Sic in amplificando modò distribuimus *Genus in Species*, aliàs quædam alia in *Adjuncta*, *Consequentia*, *Causas*, *Effecta*, &c. tanquam in aliquas partes. *Propositio quævis pro partibus* habet verba & res, quæ illius objectum sunt, aut illam componunt. Partes argumentationis sunt ipsius propositiones.

Quæ

Quæ partim jam exposita sunt c. 3. de Partium Enumeratione, à n. 15. & c. 9. n. 6. partim mox & ulterius l. 3. c. 3. cùm de dilatatione propositionis in periodo agetur, elucidabuntur.

CAPUT XIV.

De Amplificatione per locos Rhetoricos & Figuras.

1. **Q**ua ratione partes argumentationum dilatantur? Resp. Quando non agitur de sola explicatione fusiore alicujus propositionis, sed de rebus ipsis, ac nominatim de argumentis, hæc dixi initio dilatanda esse per Argumentationes; istarum verò singulas successivè partes necessarias per modos amplificandi. Itaque fieri hoc potest nunc per Locos oratorios Figuris exornatos; aliquando per solas Figuras; alias per modos alios dilatandi hic subsequentes.

Loci Rhet.
aptiores.

11. Quinam Loci Rhetorici ad hoc sunt aptiores? Resp. Definitiones congregatae, seu plures ejusdem rei descriptiones simul positæ, Causæ, Effecta, Antecedentia, Consequentia, Genus, Forma, Similitudo, Contraria, Comparatio, S. Scriptura, SS. Patres, Historiæ, Apologi, Parabolæ, Adagia, Eruditio, maximè verò Adjuncta & Enumeratione partium, cum aliis plerisque. Modum dilatan-